



**Ecclesiasticae Historiae, Et Dicta, Inprimis Memorabilia,  
Christi, Apostolorum, Martyrum, Confessorum, Doctorum,  
& hostium veteris Ecclesie: singulari iudicio, & pio studio,  
ex Eusebio Cæsariensi ...**

**Eusebius <Caesariensis>**

**Haer. Chr. Egen., 1571**

**VD16 E 4284**

53. Exhortatio Gregorii Episcopi Neocæsariensis in Ponto, ad duos fratres  
discordes inter se, & litiga[n]tes de stagno hæreditario, quod postea  
precibus Gregorij, vt discordiæ occasio tolleretur, ...

---

[urn:nbn:de:hbz:466:1-69335](#)

*Quæ verò specie fucosa dicta videntur,  
Doctis sunt rectè discutienda viris.*

52. DICTVM EIVSDEM DE  
Apocalyp. Iohannis.

**I**N hac, quia multa diuina sacramenta sermonibus conteguntur humanis, non tam iudicijs discernenda, quām fide credenda, & ideo non reprobo, quæ non intelligo, sed tantò magis admiror, quātò minus assequor.

*Talia de libro dixit Dionysius olim,  
Mystica Ioanni qui patefacta refert.  
Multæ sub humanis subsunt mysteria verbis,  
Quæ non iudicium, sed capit una fides.  
Non equidem reprobo, quæ non intelligo, verùm  
Hoc magis admiror, quò capio illa minus.*

53. EXHORTATIO GREGORII  
Episcopi Neocæsariensis in Ponto, ad duos fratres discordes inter se, & litigantes de stagno hæreditario, quod postea præcibus Gregorij. vt discordiæ occasio tolleretur, exiccatum est. Capite 25.

**N**OLITE, filioli, rationabiles animas promutis animantibus violare, fraternalm pacem quæstus cupiditate dissoluere, Dei leges, & naturæ pariter temerare.

*Quæ*

Quæ regio claro celebratur nomine Ponti,  
Progenuit fratres, numine dante, duos.  
Quos inter fratum velut est concordia rara,  
Materiam litis patria stagna dabant.  
Hos vbi Gregorius discordes audijt esse,  
His præsul cœpit conciliare modis:  
Filioli, cur sic animas ratione vigentes,  
Perditis in rebus, quæ ratione carent?  
Et causa quæstus, pacem quid soluitis almam?  
Fratres quam dulcem semper habere decet?  
Atq; Dei leges venerandas iuraq; sacra  
Natura rixis soluitis armigeris?  
Sic ait, & fratres stagni deducit ad oras,  
Hic, dicens, tollam iurgia vestra citò.  
Et genibus flexis palmas ad sydera tendens,  
Ad Dominum fundit talia vota precans?  
O Deus, ô clemens, lapsi susceptor Adami,  
Pœnas qui nostri criminis ipse leuas.  
Ad terram referens offensus verba recentem,  
Fructibus hinc tellus sis maledicta tuis.  
Te precor, vt sicces stagnum, tollasq; fluenta,  
Quæ fratres inter iurgia tanta cident.  
Non natet hic piscis post hac, sint omnia campus,  
Qui pecudes pascat, qui sata flaua ferat.  
Ne moueant fratres inter se prælia sœua,  
Ne stagni causa tot perijsse velis.  
His dictis, virgam stagni protendit ad oras,  
Moses vt quondam ad rubra fluenta maris.

Mo<sup>x</sup>

Mox aqua prona fluit celeri pede ducta sub imos  
 Fontes, mox cunctis hic vada siccata patent.  
 Fit stagnum rastri patiens, fit gramine abundans,  
 Atq; virens campus, qui lacus antè fuit.

54. DE SACERDOTE APOLLI-  
 nis conuerso ab eodem Gregorio  
 ad verum Deum in Alpibus.  
 cap. eodem.

Gregorius quondam fertur transisse per Alpes,  
 Tempore quo brumæ frigore cuncta rigent.  
 Hic iuga cum montis iam transcendisset ad alta,  
 Aggeribus niueis omnia plena iacent.  
 Alpibus in vastis non usquam rusticæ præsul,  
 Ad qua diuertat, commoda tecta videt.  
 Ast procul in luco prospexit Apollinis ædem,  
 Atq; humilis iuxta parvula tecta domus.  
 Phano quo responsa dedit consultus Apollo,  
 Hinc tulit Antistes commoda multa sibi.  
 Hanc præsul fessus sanctus diuertit in ædem,  
 Vnius & spacio noctis in æde manet.  
 Postmodo nulla dedit mendax oracula dæmon,  
 Tanta nec Antistes commoda, ut antè, tulit.  
 Multa ferat quamvis templo sua dona sacerdos,  
 Atq; litet sacris, admoueatq; preces.  
 Non tamen vlla dedit Dæmon responsa vocatus,  
 Sed velut iurdus statq; manetq; Deus.